

nem est missus) sed post Aaronis inaugurationem Sacerdos esse desiit. Qvia munia Sacerdotalia nunquam postea peregisse legitur. Unde in N. T. *ad Hebr. 5.* Solus Aaron tanquam Pontifex sive Sacerdos summus cum Christo summo Pontifice confertur: Moses verò c. 3. confertur cum Christo tanquam Propheta V. T. cum Propheta N. T. Si autem Moses summus V. T. Sacerdos fuisset, & qvidem Aarone superior, utiq; autor Epistolæ ad Hebræos silentio hoc ipsum haud involvisset; qvippe qvi diligentissimam & accuratissimam inter Christum & Mosen instituit collationem.

2. *Homonymia* est in voce *Sacerdotis*. Nam כהן Coben dupliciter accipitur 1. *specialiter* significat Sacerdotem propriè sic dictum. 2. *Generaliter* significat virum primarium, vel Principem politicum. Non enim semper Ecclesiastici ministerii nomen est: sed aliquando dignitatis & honoris. *Chaldaeus* nunc Hebræum nomen retinet כהנא, nunc מושך *ministrum* vertit, aliquando רבא *principem seu antistitem*.

L 4

Sic